


*Q. D. B. V.*

M. IMMANVELIS PROELEI,  
STOLP. POMERAN.

DE

PRETIO  
ERVDITIONIS  
EIVSQVE MENSURA  
MEDITATIONES.



---

IENÆ,

---

REC. LITTERIS IOH. FRIDERICI RITTERI, 1719.

*18*





MEDITATIONES BREVIORES  
DE  
ERVDITIONIS PRETIO EIVSQUE MENSURA.  
PRÆPARATIO AD MEDITATIONES.

§. I.

**R**uditio, cuius gloria & comparandi stu-  
dio plerique tenentur, ingentia passim ab  
æquis rerum æstimatoribus pretia ponи vi-  
deas. *Iustinianus* (a) eruditis legum Cul-  
toribus gubernacula Reipublicæ; Professoribus (b) pri-  
uilegia atque immunitates; Studioſis (c) etiam *Frideri-*  
*cus Imp.* non dissimilia, in præmium eruditæ laboris de-  
fert. Nostræ quoque, id est, *sacra literæ* (d) Erudi-  
tionem auro, gemmis & oblectamentis oranibus pre-  
tiosorem & anteferendam esse pronunciant. Ut du-  
bitari non possit, eam esse præcipuum dignitatis & exi-  
stimationis fundamentum.

*Iure Civili*  
& sacro  
magna E-  
ruditionis  
est existi-  
matio.

- (a) Proœm. Instit. §. vlt. (b) L. 6. & II. C. de professoribus & medicis.  
1. 8. ff. §. 4. de vacatione & excusatione munerum Coll. tit. C. de  
studii liberalibus urbis Romæ & Constantinopol. (c) Auth. Habita-  
ta C. ne filius pro Patre. Add. Hunn. Richter. ad dict. Auth.  
& Bechmann. de priuilegiis Studioforum. (d) Proverb. I, 23. Ec-  
cles. VI, 12, & alibi passim.

§. II.

Enimuero cum plerique mortalium (a) sæpe de Quid sit e-  
facultatibus amplius quam his insit sperent, adeoque se *ruditio*,  
*pretium* &

*mensura*, eruditos vulgo profiteantur, ut pretium eruditionis fe-  
obscurum rant, definiendum prius ex claris principiis & rationi-  
bus est, quid sit *eruditio*, quid *premium*, quid *mensura*,  
vt deinceps liquido intelligi possit, quodnam quantum-  
que eruditioni iustum statuere premium conueniat. Scire  
leges, I<sup>CT</sup>us Celsus (b) inquit, hoc non est verba ea-  
rum tenere, sed vim & potestatem: Et scire quid sit  
eruditio, hoc non est vocabulum didicisse, sed rei hu-  
ius naturam eiusque causas ab origine pernoscere Ca-  
tonis effato moniti, nos vera rerum vocabula aut per-  
didisse, aut perdere potuisse.

(a) Instit. ex quibus causis manumittere non licet §. 3. (b) L. 17. D.  
de legibus SCtis & long. consuetudine.

### §. III.

Veritatis inuenien-  
dæ funda-  
mentum non est au-  
toritas. Quod vt perspicue cognoscatur, remouenda hoc  
loco tantisper nobis est doctorum hominum auctoritas,  
quæ præiudicii aut alterius nominis obiectu facile sub-  
uertitur. Neque etiam nobis in suscepto argumento  
viam præmonstrantem plane consulere licuit. Nam  
quæ doctissimi Viri, Bodinus, (a) Baclerus, (b) Grotius,  
(c) Pufendorfius, (d) Uffelmannus, (e) aliquie de rerum  
pretio atque de Existimatione pererudite tradiderunt, ea  
pro ipsorum instituti ratione ad res tantum materiales,  
aut ad genium ciuitatis vt plurimum accommodantur,  
non tam ad animum philosophicum in rerum princi-  
piis deducendis hærentem.

(a) In responsione ad Paradoxa Malestretti de caritate rerum eiusque re-  
mediis pag. 11. seqq. edit. Conring. (b) In dissert. de mensura pretii,  
Academ. n. 29. p. 897. Edit. 2dæ (c) de I. B. & P. lib. II. c. 12. §. 14. (d)  
de Iur. N. & G. l. 5. c. 1. & l. 8. c. 4. de Officio H. & C. I. 14. II. 14. (e)  
diss. Pol. de mens. pretii rer. & re nummaria in Rep. recte constituenda.

### §. IV.

## §. IV.

Quapropter ut certo fundamento nostrum sibi Veritas in-  
 constet iudicium, a meditatione propria atque a nobis-  
 met ipsis incipiendum erit. Sed qua potissimum via? Plato (a) ex idearum in animo nostro existentium con-  
 templatione sapere nos docet. Mamelburiensis Philo-  
 sophus (b) ad veritatis investigationem dubitationum  
 tenebras commendat. Recentioris cui Philosophus, (c)  
 qui sectæ nomen dedit, ad intelligendam rei certitudi-  
 nem dubitationem generalem, quam tamen ad usum  
 vitæ extendere prohibet, (d) & idearum in mente no-  
 stra contemplationem (e) necessariam esse docet. Sta-  
 girita (f) interim, vetustior Philosophus, naturæ quan-  
 tam ingenitam vim usu rerum excitandam in nobis esse  
 tradit, quæ cognitioni perfectæ, aut quemadmodum  
 schola loquitur, actu existenti præbeat occasionem. Ut  
 igitur doctrinæ gratiam apud omnes ineamus, sequam-  
 ur, si placet, omnium vestigia, nemini displicituri,  
 & fortassis in veritatis inquirendæ studio feliciores, si  
 usum rerum & experientiam ex placito Aristotelis: &  
 sobriam dubitationem, i. e. inquisitionem cum idearum  
 menti nostræ se exhibentium attentione ex Cartesii: &  
 tenebrarum discussionem ex effato Hobbesi: & Idearum  
 aut perceptionum mentis considerationem ex Platonis  
 schola coniunctim attendendam esse, statuamus, omni-  
 umque nos discipulum ex bono & æquo profiteamur.

- (a) In Parmenide & Dialog. 6. de republ. conf. Alcinous de dogmate Pla-  
 tonis c. IX. & Apuleius l. 1. (b) Apud Huber. Orat. de pedantismo.  
 vid. Hobbes. Epist. dedicat, quæ extat in Operibus eius sect. III. de Ci-  
 ve. (c) Cartes. Princ. P. I. §. 1. 2. & Meditat. 1. (d) Princ. P. I. §. 3. de  
 Method. n. 3. reg. 2. p. m. 14. (e) Princ. I. §. 13. & Meditat. 3. p. m.  
 13. (f) Aristot. poster, Analyt. l. 2. c. 8. p. m. 254.

## MEDITATIO I.

*Quid & quotplex sit Eruditio?*

## §. V.

Quid sit a-  
nima, defi-  
nitur.

**L**ecto itaque affixus, aut in musæo meo velut in solitudine conclusus [namque in multitudine hominum talia conari pædagogicum & ineptum fuerit] meditari incipiam. Perpendo, versor animo, aut si mauis, *cogito*. Sed quomodo? aut quid in me animaduerto? Remotus enim studio sum a rebus omnibus. Animaduerto inquam in cogitationibus meis *desiderium* aliquod, mihi dandi res aut obiecta salutaria, quæ vno nomine *perfectiones* appellabo, ut earum possessione *beatus* & *felix* sim. Quæ cum omnibus cogitationibus meis perpetuo innescantur, definiam *mentem* aut *aniam* meam, quod sit stylo Aristotelico ἐντελέχεια, actus primus, facultas, aut si placet, stylo Cartesiano *Cogitatio*, quæ habet *desiderium* sibi acquirendi & *intelligendi* *perfectiones*, ut earum possessione & usu felix atque *beata* esse possit. Vbi tria potissimum obseruo, 1. *Desiderium* ad recipiendas *perfectiones*, 2. *Perfectionum* acquisitarum intellectum & possessionem, 3. Voluptatis sensum ex hac *perfectionum* perceptione resultantem.

## §. VI.

Existentia  
Dei & quid  
Deus sit,  
demonstra-  
tur,

Bene habet; iacta sunt fundamenta. Nulla res nisi infinitis *perfectionibus* gaudens est a seipsa. Ego vero *desiderium* inexplibile, aduersus *perfectiones* infinitas, ad possidendam felicitatem infinitam in me inuenio. Igitur concludo, existere causam aut ens ali-  
quod

quod præter me, quod auctor tam incircumscrip<sup>t</sup>a cogitationis & desiderii mei sit, quodue explere vota mea solus perfecte possit. Ens autem illud citra dubium cogitabit, aut intelliget, sed quid? Obiectum sibi dignissimum, & quid potius quam suas *perfectiones infinitas*, quæ ob independentiam suam sibi statim præsentes sunt, & quas ego mihi præstare non possum. Quo vero fine intelliget? eo certe, qui perfectionibus infinitis est proprius, vt nimirum perfectissima, i. e. *cælesti voluptate* continuo perfruatur. Quod igitur Græci *θεός*, Hebræi יהוה, Latini Deus aut Numen appellant, illud ego dicam *Ens intelligens*, aut vel propter infantiam meam usurpare mihi fas sit, *lumen aut cogitationem infinitam, voluntate sua ex voto possidens perpetuo obiectum sibi dignissimum, i. e. perfectiones suas infinitas, atque infinita beatitudine & voluptatis sensu plenum.* In qua descriptione tria satis perspicue percipio, 1. Voluntatem benefaciendi, quoniam tendit ad *perfectiones infinitas*, 2. infinitum *perfectionum intellectum & possessionem*, 3. beatitudinem & voluptatem infinitam exinde resultantem.

## §. VII.

Iam in §. v. obseruaueram, desiderium mihi ad- Quid sit e-  
esse ad acquirendas *perfectiones*, quibus destituor, vt ruditio, in-  
felix sim. Quas vero cum ipse mihi dare nequeam, a de deduci-  
quo alio eas recipiam, nisi ab eo, qui eas in origine tur.  
(a) & perfecta ratione possidet, i. e. *DEO*. Modus au-  
tem has recipiendi ex consideratione mentis meæ (vid.  
§. 5.) & naturæ Diuinæ (vid. §. 6.) erit notitia quædam,  
qua

qua edoctus sciam cogitationes, desideria, intellectum & voluptatem meam sic disponere, ut perfectionum diuinaruim particeps fieri possim. Id quod eruditio sit scientia disponendi mentis meæ facultates (quas §. 5. explicauimus) ad recipiendas & possidendas perfectiones diuinis simillimas, simiores, aut saltem similes, ut earum usu felix atque beatus sim.

(a) Iac. I, 17.

### §. VIII.

Quid per Perfectionum autem nomine intelligo modum, po-  
fectiones fectiones diuinis si-tentiam, vel ut vocibus clarioribus loquar, vires, robur  
diuinis simili- miles, simi- aut pulchritudinem mentis facultatibus additam quibus  
liores, si- hominis instructus vel saluus conseruetur, vel auctus præ  
millimæ sint, earum- alius emineat. Has perfectiones in triplici differentia  
que gradus positas eognoscebam, aut enim intima pectoris animi-  
que sensa directe, ut schola loquitur, penetrant atque  
producunt tranquillitatem animi & conscientię liberta-  
tem, diuinisque perfectionibus sunt simillimæ: aut ra-  
tionem hominis reflexam atque ideas perficiunt, atque  
ideas perficiunt, atque lumen naturale iudiciumque re-  
ctum de rebus & scientiis ingenerant, & per hoc diui-  
nis sunt simiores, quam quæ ad corpus attinent: aut  
corpus nostrum & res extra nos positas perficiunt, & ea  
ratione diuinis perfectionibus tanquam origini suæ sal-  
tem aliquo modo similes sunt. In singulis hisce per-  
fectionum generibus certos quosdam proiectuum gra-  
dus dari obseruabam. De quibus omnibus nunc bre-  
uiter, alibi (a) vero aliquantis per latius fuisse medi-  
atum memini.

(a) Dissert. de eo, quod hominem omni ex parte felicem atque beatum facit, §. 10, 11, 13, 25.

§. IX.

## §. IX.

Quibus constitutis Eruditionem generatim dispe- Origo sci-  
fiebam in *Metaphysicam*, *Moralem* & *Physicam*. Eru-  
dictionis *Metaphysica*, quæ Dei, animæ & rerum genera- entiarum,  
& quotu-  
plex sit e-  
les affectiones explicaret, complementum est *Theologia*, ruditio, o-  
quæ nos diuinæ reddit naturæ participes.

(a) *Moralis*, quæ animæ & corporis vires bene dirigere docet, per-  
fectio statuitur notitia boni & æqui, (b) i. e. *Iurispru-  
dentia*: *Physica* vero, quæ naturam explicat, cuiusque stenditur,  
initiamentum *Mathesis* intelligitur, fastigium addit *Me-  
dicina*, quæ corporis bona curat. Cæterum, quoniam metaphysica moralis & physica doctrina, auditores suos  
ad accipiendas sublimioris pretii scientias præparat, in-  
ditum ipsis generale Philosophia nomen, quæ Gramma-  
ticam, Logicam, Oratoriam, & Lexica instrumenti: Hi-  
storiam vero illustrationis loco sibi deposita.

(a) II. Petr. I, 4. II. Corinth. III, 18. (b) Ulpian. I, 1. s. 1. ff. de Iusti-  
tia & iure.

## §. X.

Quoniam igitur in varias species eruditionis riui Quid sit E-  
abeunt, ego insistens fontibus vnde manat omnis scien-  
tia, scilicet ex proprietatibus Dei & animæ meæ §. 5. charæter,  
& 6. traditis, facile hominis eruditæ ideam generaliter traditur.

concipio, quod nimirum eruditus sit, qui (1) *Volunta-  
tem benefaciendi habet*, & (2) *intellectus perfectiones  
prudenter expediendi negotia aut institutum*, vt (3) *per-  
petuum voluptatis aut latitiae fructum in se percipiat,  
eumque ad alios quantum licet, redundare faciat. Ve-  
ræ igitur Eruditionis tres veluti comites & proprietates  
semper iunctimque adesse animaduerto. Quarum pri-*

*ma est Voluntas benefaciendi*, i. e. desiderium sibi & aliis procurandi bona, quæ animæ corporis, aut si licet, fortunarum incolumitatem prouehere possunt. *Secunda est prudentia*, i. e. rectus & perspicax intellectus iudicandi, quibus hominibus aut quomodo benefacere, hoc est, bona illa procurare conueniat. *Tertia est placidus voluptatis sensus aut letitia*, ex voluntate benefaciendi & prudentia circumspicte adhibita, ad mentes eruditio[n]is veræ capaces, resultans.

## MEDITATIO II.

*Quid sit pretium & quotuplex.*

### §. XI.

*Quid Eru-*  
*ditus, quid pre-*  
*rium eru-*  
*ditionis sit,*  
*declaratur.* **E**ruditum iam considero tanquam *hominem scientiam pollentem*, qui *animæ sua potentias dirigere nouit ad acquirendas, possidendas, & augendas in mente sua perfectiones diuinas*. Talis vero citra dubium comparabit status sui *præteriti, præsentis & forte futuri* perfectiones, cum sua *præsenti conditione, aliorumque animi habitu, qui vel nullis vel equalibus vel maioribus* illustrantur virtutibus aut perfectionibus, ut intelligat, quantum in melius profecerit mens sua, perpendens imprimis characteres eruditio[n]is §. 10. positos. Hanc vero *estimationem pretium appellabo, illudque in genere definiam, quod sit instarei estimatio, quantum queque res habeat perfectionum, que aliquando usui esse possint*. Quoniam autem notatio hæc ad *materialia, rationalia & pure spiritualia generatim applicari potest, igitur in specie Eruditio[n]is pretium voco, quod sit iu-*

sta

*sta aestimatio aut valor perfectionum, quas aliquis sibi  
acquisiuit, per legitimam mentis sue dispositionem, vt eas  
a DEO reciperet.*

## §. XII.

*Quale vero aut quotuplex pretium statuendum erit? Secundum perfectionum §. 8. & 9. explicatarum diuersitatem erit illud equidem varium, sed triplex potissimum. Perfectioni pure spirituali & diuinis similimae statuetur pretium pure spirituale, cuius insigne erit tranquillitas animi (a). & libertas conscientiae. (b) Perfectionibus rationalibus, quales sunt scientiae naturales, statuetur pretium rationale, cuius insigne erit, honor, reuerentia & existimatio. Perfectioni materiali statuetur pretium materiale, cuius signum erit nummus, qui omnis aestimationis materialis potestatem continet. Coeterum notari cupimus, nos pretii nomine precise intelligere valorem aut estimationem, quam animo apud nos de re quadam concipimus, non vero signum, quo aestimatio nostra palam fit, utpote quod interdum abesse potest. Quantum autem pretium statui debeat unicuique, elucescat, ubi meditatione sequenti mensuram inuenierimus.*

(a) Ioh. XIV, 27. XVI, 22. (b) II. Cor. III, 17. Gal. V, 13. coll. Rom. XIV, 14. 22. 23.

## §. XIII.

Sed quis citra errorem iustum istam perfectionum estimationem, quod pretium diximus, definire poterit, cum ad illud scire necessum sit, quantum quisque perfectionum receperit? Sciet illud atque definit rectissime Auctor & Dator perfectionum Deus, quem fugere

Quis pre-  
tium defi-  
nire possit,  
proponitur

non potest quanti dederit. Sciet illud etiam *animus recipiens sensu* interno, modo rebus suis inuigilauerit, neque sibi aduletur, certe *actiones suæ & motus* ad eas huius testes erunt. Sed quis tertius præter datorem Deum & accipientem hominem illud noscet? Res opido difficilis, nec tamen extra vires. Sciet illud aut colligit de altero, qui *eodem tramite perfectiones pares aut maiores* reuera, non opinione tantum, iam sibi acquisuit. Inferior autem aut rerum ignarus, hac in re silentio, iudicandi abstinentia, & imperitiæ confessione, modestiæ laudem feret.

### MEDITATIO III.

#### *Quid & qualis sit mensura pretii eruditionis.*

##### §. XIV.

Quid mensura eruditionis notetur, expli-

Vod in Architectonicis regula, in emptionibus ventionibus mensura appellatur, hoc ego in genero definio per legem aut normam, ad quam rei valor aut quantitas exigi debet. Sed speciatim scire optabam quid Eruditionis mensura significet, quæ tanquam res immaterialis, mensura visibili expediri non poterat. Cognoueram Eruditionem esse scientiam recipiendi perfectiones, &c. (vid. §. 7.) Pretium vero eruditionis statui iustum perfectionum aestimationem, mente conceptam, & signo quodam declaratam, (vid. §. 11. & 12.) ex quo collegi deinceps: quod mensura eruditionis nihil aliud notet, quam modum cognoscendi, quantum quisque habeat perfectionum diuinis simillimarum similiorum, aut saltem similium, ut secundum istarum excellen-

cellentiam & utilitatem, iustum ipsis statuatur pretium  
aut estimatio.

## §. XV.

Vbi tamen mihi obscurum adhuc apparebat, quid Axioma I.  
*modus cognoscendi* indicaret, aut qualis is esse debeat, ad inueni-  
sine cuius vberiori explicatione nosse non poteram, qua- endam pre-  
*tem mensuram* sive *quid pro mensura eruditionis agno-*  
scendum esset. Quod ut perscipuum euaderet, intelli-  
gebam, illud deduci posse vel *a priori*, colligendo a  
causa ad effectum, vel *a posteriori*, arguendo ab effe-  
ctis ad causam. Prior modus vti oppido in hac mate-  
ria sublimis est, ita me tantum contineo circa ea, quæ  
§. 6. de natura & proprietatibus diuinis, tum & §. 10. de  
eruditionis charactere & proprietatibus meditatus eram,  
atque inde axiomam, quod regulæ loco in mensura pre-  
tij eruditionis determinanda adhibere possem, *a priori*  
deduco: *Qui plures perfectiones diuinæ (vid. §. 6. in*  
*fin. §. 8. & §. 10.) sibi comparavit, easque coniunctas possi-*  
*det, eius eruditio grande meretur pretium. (vid. §. 12.)*  
Ex quo manat & hoc: *Qui nullas sibi comparauit per-*  
*fectiones, iste nullum: Qui vero paucas aut inferiores*  
*(vid. §. 8.) possidet perfectiones, illius etiam eruditio*  
*parum accipere debet pretium.* Satis equidem perspi-  
cuum videri posset axioma hoc, explicatis in superiori-  
bus omnibus eiusdem terminis. Nam quid perfectio-  
nes diuinæ significant, ostendit §. 8. & 6. Quid eruditio  
sit, noscitur ex §. 10. & 11. Quid esset pretium, §. 11.  
& 12. & quid mensura, §. 14. docuerat. Verum ut nul-  
lis deesse videamur, demus & alterum axioma *a poste-*  
*riori* desumptum, haud minoris certitudinis, sed multo

adhuc priori dilucidius, & ad inuestigandum eruditio[n]is pretii mensuram, intellectu facilius commodiusque.

## §. XVI.

Axioma II.  
ad inuenientiam  
effectus  
eruditio[n]is  
mensuram.

Perfectiones diuinæ eius sunt indolis, vt semper effectus salutares atque vtiles producant. Quare iam alterum in dijudicando pretio eruditio[n]is expedire licet axioma: *Quicunque omnibus aut plurimis in re maximis momenti vtilis est, illius eruditio secundum vtilitatis rationem & gradus, grande meretur pretium. Unde & illud consequitur. Quicunque paucis in re levioris negotii vtilis est, illius eruditio tenue depositum pretium: Quicunque autem nemini vutilis est, istius studiū nullius est pretii.*

## §. XVII.

Quid si vtilitas, &  
quod omnes propter vtile  
agent, pro-  
batur.

*Vtilitatis autem nomine intelligo bonum aliquod, quod vel anime tranquillitatem & conscientie libertatem, vel rationis & scientiarum cultum, vel corporis vires, vel etiam fortunas meas conseruat, auget aut exornat. (conf. §. 8. & 12.) Ex quo etiam apparet, quod alibi(a) iam probauimus, neminem mortalium vñquam, nisi despuerit, actionem aliquam suscipere, nisi vtilitatis in hac significatione acceptæ gratia. Id quod tum ex natura animæ §. 5. tum ipsius Dei §. 6. liquido apparet, & latius a nobis deduci posset, nisi breuitatis studiū sequeremur. Neque obest nobis vtilitas Carneadea, statuentis, non nisi ex commodo honestatis & iustitiae nomina extitisse. Quæ admitti eius posset sententia, si vtilitas idem ipsi esset atque bonum cum animæ tum corporis respectu. Iam vero cum vtilitatem ad corpus solum retulisse dicatur, iure a nostra semouendus*

ME  
De vtilitate

Vtilitatem m  
non perper-  
antes, obvici  
dear, offend  
a breuitati qu  
tionalibus hinc  
demonstrari p  
un apud nos c  
tum §. 9. speciu  
tudo exinde si  
retinere Theole  
tum in genere,  
Physice, Mathe-  
maticae, Ge-  
ometriae, & Si-  
gnificativa, Physi-  
calia, Mechanica

dus est sententia. Quod vero sacræ literæ sua (b) siue vtilitateim suam querere in vitium computent, illud ea ratione factum intelligitur, quod vulgo primaria, qualis est animæ salus & quæ ad mentem pertinent, ultimo; secundaria autem, vti sunt corporis bona, studiosius quam par est, primo loco & ferme sola quæri soleant, id quo conuerso ordine fieri debebat. (c)

(a) Dissert. de eo, quod hominem omni ex parte felicem atque beatum facit §. 40. (b) Phil. II, 4. 21. (c) Matth. VI, 33, coll. I. Thest. IV, 11.

## MEDITATIO IV.

### *De vtilitate ex superioribus capienda.*

#### §. XVIII.

Vtilitatem mihi paulo ante commendanti (v. §. 17.) Vtilitas ha-  
non perperam illud Cassianum, *Cui bono hæ specu- rum medi-  
lationes, obiici poterat. Quod ne excidisse memoria videatur, ostenderam iusta sed pro argumenti amplitu-  
dine breuiori quadam deductione, quod ex nostris me-  
ditationibus hisce, & vel ex solius §. 15. aut 16. axioma-  
te demonstrari posset legitimus facultatum & disciplina-  
rum apud nos constitutarum ordo & dignitas, cuius per-  
breue §. 9. specimen exhibet. Indicaueram porro, quo-  
modo exinde simul perspici posset, quale quantumque  
preium Theologiæ, Iurisprudentiæ, Medicinæ, Philo-  
phiæ in genere, Metaphysicæ genuinæ, Arti diuinatoriæ,  
Physicæ, Matheſeos tum puræ, tum mixtæ, atque ex hac,  
Arithmeticiæ, Geometriæ, Sphæricæ, Chronologiæ, A-  
stronomiæ, & si placet Astrologiæ etiam iudicariæ, Chi-  
romantiæ, Physiognomiæ, Architecturæ militari & ciuili,  
Staticæ, Mechanicæ, Stereometriæ, Opticæ, Geographiæ,*  
Musæ

Musicæ, reliquisque speciebus, tum & Grammaticæ, Criticæ, Logicæ, Oratoria, Poësi & Historia, imo & exercitiis equestribus, saltatoriis, gladiatoriis, lusoriis coeterisque similibus ponendum esset. Eruditionis huius utilitatem, in conuersatione quoque *ad noscendos hominum animos* prodeſſe digito velut monstraram. Sed displicuit mox tractationis breuitas, cuius amplitudini compendiosa meditatio non ſufficit. Et plenius institutum hoc aliquando ne executurum, ſperare iubet singularis gratiſſimæ Facultatis Philosophicæ in me benignitas, ſi fatis non aliter volentibus ſtudiis nostris locum porro concerterit, diſſertatione altera, quod vouemus & precamur, singula vberius pertexendi. Coeterum ne plane *αὐτούσιοι* diſcedere videamur, in duobus tantum ſed vel præcipuis doctrinæ Politicæ & Iuris Naturalis capitibus utilitatem meditationum noſtrarum per compendium ostendamus, quorum *vnum* de valore rerum materialium ſiuē de pretio, alterum de dignitate personarum, ſiuē de *Exſtimatione* agit.

## §. XIX.

Quæ pre-  
tium auge-  
ant vel mi-  
nuant, in  
compendio  
recenſen-  
tur.

Quæſitum est in politicorum ſcholis, quid pretia rerum vel augeat vel minuat? Aristoteles (a) mensuram pretii rerum materialium maxime naturalem facit *indigentiam*. Summus Vir H. Grotius, (b) & quem sequuntur Pufendorffius, Baclerus, & omnium latissime Uffelmannus, arbitrati, neceſſitatē non eſſe vnicam nec ſufficientem mensuram pretii, ad rectam huius mensuram determinandam adiungunt, *rationem negotii laborum & expensarum, copiam & inopiam ementium, pecunia & mercium, luxuriam atq; cupiditatem hominum, dampnum*

con-

consequens, lucrum, cessans, affectum peculiarem, utilitatem, rei raritatem, & temporis atque loci circumstan-  
tias, quo aliquid precise praestetur. Quæ plerumque ta-  
men secundum ICtum Paulum (c) non ex affectu nec u-  
tilitate singulorum, sed quomodo communiter, siue uti a-  
lio loco (d) ait, quanti omnibus valerent, definienda es-  
sent. Io. Bodinus (e) autem quinque caritatis causas con-  
stituit, [1] Abundantiam auri & argenti, [2] monopolio-  
rum priuilegia, [3] penuriam rerum, [4] voluptatem  
Regum & Principum, [5] pretium antiquioris monetæ  
imminutum.

(a) Moral. ad Nicom. V, 8. (b) Singuli in loc. ad §. 3. sup. cit. (c) I. 63. ff.  
. ad Leg. Falc. (d) I. 33. D. ad L. Aquil. (e) Resp. ad Parad. Melestr. p. II.

### §. XX.

Quæ uti pererudite tradita sunt, ita nos ad rerum utilitas est  
principia & quidem nostra (vid. §. 17. 8. 12. 5. & 6.) ani- primarium  
mo connuersi non dubitamus, utilitatem quæ ex rei perfe- pretii re-  
ctionibus oritur (vid. §. 16. & 17.) potissimum rerum funda- rum funda-  
mentum, pretii mensuram eiusque fundamentum constituere, mentum,  
reliquas autem §. 19. adductas pretii causas, utilitatem  
neglectam, aut necessarium facere, aut magis conspicuum  
commendare. Rationes nostræ pro utilitate in mensu-  
ram pretii constituendæ sunt, 1. Quoniam omnes hæ §.  
superiori adductæ rationes fundamenti loco & pro causa  
impellente præsentem utilitatem agnoscunt, cum reliquæ  
rationes aliquando abesse possint, modo vox hæc ad  
mentem nostram definitione §. 17. explicatam intelliga-  
tur, ut utilitas idem sit ac bonum aliquod, siue illud fuerit  
vere tale, aut saltem persuasione aliqua conceptum. 2.  
Quia omne, quod necessarium est, sit etiam utile. Et con-

C

tra

tra quod nullæ rei, qua nemini hominum vñquam vtilis (vid § 17.) esse posse, secundum ius & equitatem neg, pretium imponi debeat. Rebus autem vtilibus pretium recte imponi posse, modo nostra potestati natura eas non exemerit. De quarum veritate in ipso disertat. actu fortassis vberior disquirendi suppeditabitur occasio.

## §. XXI.

Quid Existimationis fundamen-tum sit, do-cetur.

Adjiciamus paucula quædam de Existimatione, cuius fundamenta nostris meditationibus confirmari atque illustrari optime possunt. Cognito prius quod Existimatio sit opinio de nostris perfectionibus, quibus præ cæteris aut insigniter excellimus, aut aliis nobis similibus pares sumus, quorum prius existimatio intensiva, posterius simplex, Iuris Naturalis Doctoribus dicitur; præcipuum in hac tractatione est, scire quo fundamento existimatio aut fama nitatur, & quomodo comparetur. Illustris Pufendorfius fundamentum existimationis intensiæ statuit, omnia illa que insig-nem aliquam præstantiam & perfectionem, cui cum fine legis na-turalis & ciuitatis conuenit, habent, aut eandem censemur arguere. Quæ non perperam fuisse tradita ab auctore, ex meditat. I. in pri-mis ex §. 8. vti & 16. veluti a posteriore intelliguntur. Quales vero esse debeant & quomodo generentur perfectiones, veluti in sua origine perspicitur ex §. 5. 6. 7. & 10. Ex quo per compendi-um scitur, ad bonam existimationem generatim requiri voluntatem beneficiandi, prudentem perfectionum acquisitarum usum, & studium voluptatem aut felicitatem hominibus conciliandi. Vnde facile colligitur, nec prædones, piratas, furiosos milites, astutissimos fures, acerrimos Bachi immodicosque Veneris præliatores, vtj nec infantes aut furiōsos, similisque generis homines, existimationis nisi forte malignæ esse capaces, quod vel bona voluntate, vel prudentia intellectus, vel quietis aut felicitatis conseruandæ aut procurandæ virtute destituantur.

## §. XXII.

Quatenus existimati-oni, aut fa-mæ studen-tum sit.

Illud subiungere adhuc placet, quod satis perspicue ex su-perioribus intelligi potest, quatenus nimirum existimationem aut famam tueri liceat. Nimirum si possideat aliquis (vid. §. 8. 10.) per-

perfectiones multis beneficiendi eosque ad similem felicitatem perducendi, ut commodum & voluptas ad illos exinde redeat, is certe peccaret, (\*) qui aut occasionses se proferendi adeoque alii inferiendi temere negligeret; aut non tam in sui quam aliorum commodum, existimationis & famae suis perfectionibus debitæ patrocinium suscipere nollet, si qui forent, qui sparsis rumoribus foedis eius beneficiandi studium impedirent, & infirmos atque rerum ignaros, a sua conuersationis aut institutionis copia auertere niterentur. Id quod ficeret certe non studio peruvicaciter contendendi, sed quantum per modestiam licet, atque satis est, utpote cuius felicitas interna ex possessione & conscientia perfectionum suarum per rumusclos aut applausus nec augetur nec minuitur, (conf. §. 13.) cum isthac nulla re præter mali animi habitum auferri aut adimi possint. Quæ tamen famæ defendendæ ratio longe aliter apud eos comparata est, qui existimationem suam ex opinione multitudinis tantum, non autem ex solido virtutum fundamento (vid. §. 12.) metiuntur aut sibi comparare student, qui vel ideo conseruandæ opinioni, instabili multitudinis applausui & erroribus innixæ, immoderatius incumbere solent.

(\*) Matth. XXV, 27. Luc. XII, 48.

### §. XXIII.

De perfectionibus virtutis togatae & armatae, atque an lite. rarum cultus armis præferri debeat; De nobilitate generis, eius fundamentis, iure vt vocant præcedentia; quatenus etiam existimatio ab Imperante dependeat, aut auferri vel secus ab eodem possit, similibusque ex eodem fonte manantibus, ductu meditationum nostrarum (v. §. 8.) disseri vbertim hoc loco possit, atque ostendi, quam singula isthac habeant originem, aut quibus rationum præsidiis muniantur publicatae super his rebus decisiones atque doctorum hominum iudicia, nisi potius hæc ad forum longe sublimius, cui iustitiae sacerdotes consulunt, quam ad nostrum intra philosophiaæ cancellos conscriptum, pertinere dicerentur. Et nobis equidem præsenti dissertatione circa principia perbreviter concepta potius quam deductas inde conclusiones versari constitutum erat.

C 2

§. XXIV.

De meditationum harum vtilitate morali & iuridica dissenserit.


Generalis utilitas Eru-  
ditionis ostenditur.

Quapropter suscepti qui certe modicus est *laboris pretius*  
*loco in uniuersum sufficerit, aliquantis per cognouisse, vere eru-*  
*diti hominis præ stulto aut modice docto felicitatem, quæ in*  
*eo potissimum reponitur, ut sapiens circa actiones vel susceptas*  
*vel suscipiendas, nulla amplius dubitatione infausta & terroribus*  
*plena incertus agitetur, verum ex principiis probe perspectis, vel*  
*citra approbationem & applausum aliorum de vita sua gestis*  
*certius sit (\*) & tranquillus. Ac proinde nullis conscientiæ scrupu-*  
*pulis, quos ignorantia & in præcips superstitione plerumque tra-*  
*hit, in rebus diuina præluciente gratia rite animo meditatis, velli-*  
*cetur. De aliorum autem factis, non per externa solum, quæ introductus mos & opinio vel exigit vel prohibet, verum ex multo*  
*certiori scientia & principiis, rectum sibi ferendum esse iudici-*  
*um intelligit. Coeterum ea sibi studia excolenda esse præcipue*  
*noscit quibus utilitas manifesta, i.e. vel tranquillitas animi &*  
*conscientie libertas, vel rationis lumen & scientia humanae, vel*  
*corporis sanitas; vel denique foruniarum possessio, aut quæ ad hac*  
*nos præparant, in vita comparatur. Quoniam perdidicit, hac*  
*benefaciendi via conciliari omnium optime animos posse, quo-*  
*rum fauor necessitatis pretio constat; & artem in quacunque*  
*re esse longam vitam, vero breuem.*

## COROLLARIA.

- I. **M**odice in eruditione profecit, qui facile offenditur. Vid. Meditat. nostr. §. 24. 8. & 12.
- II. Pædagogica eruditio character est, res leuioris momenti vel plane negligere, vel nimis extollere. V. §. 17. & 12.
- III. Non multa scire, sed multis prodest præclara est eruditio. V. §. 16. & 10.
- IV. Recte sentiunt, qui putant, nec Cartesium oraculum, nec Aristotelem fungum fuisse. V. §. 4.
- V. Omnes veritates sunt æternæ, sed non omnes utiles nec omnes necessariae. V. §. 7. 10. & 17.
- VI. Recte *Dn. Bernulli* argumentum Cartesii pro existentia Dei, ab eius Idea a priori petitum, & quod *P. Poiret de Hera methodo inveniendi verum part. 3. §. 4.* præstantissimum, mirabile & validum appellat, vitiosum & sophiticum dicit in iudicio quod Basil. 1699. prodidit, §. 10. 12. & 13. Melius est alterum eius a posteriori desumptum. V. Medit. nostr. §. 6.


F I N I S.



## TIFFEN® Color Control Patches



© The Tiffen Company, 2007



© The Tiffen Company, 2007

## TIFFEN® Gray Scale

